

增訂
時病論

三衢
古越

雷少逸原著
何廉臣增訂

第三冊

上海大東書局印行

時病論卷五

安州劉賓臣先生鑒定

三衢雷豐少逸手著

越醫何廉臣印巖刪定

受業新安程曦錦妻參訂

男幼廉新增

夏傷於暑秋必痲瘧大意

夏令傷於暑邪。甚者卽患暑病。微者則舍於營。復感秋氣涼風。與衛并居。則暑與風涼合邪。遂成痲瘧。古有暑瘧風瘧寒瘧溼瘧溫瘧瘴瘧痺瘧牝瘧痰瘧食瘧疫瘧鬼瘧虛瘧勞瘧瘧母三日瘧之名。暑瘧惡寒壯熱煩渴引飲風瘧寒少熱多頭疼自汗寒瘧寒長熱短頭疼無汗溼瘧寒重熱輕一身盡痛溫瘧先熱後寒因於冬令伏氣瘴瘧發時昏悶因感山嵐瘴氣痺瘧獨熱無寒牝瘧寒多熱少又有頭痛而眩瘧發昏迷爲痰瘧寒熱交併噫氣惡食爲食瘧沿門合境

證皆相似爲疫瘧。寒熱日作。多生恐怖爲鬼瘧。元氣本虛。感邪患瘧爲虛瘧。瘧疾患久。偶勞卽發爲勞瘧。經年不愈。結成痞塊。藏於脇腹爲瘧母。正氣本虛。邪客於腑。間兩日而作。爲三日瘧。更有似瘧非瘧之伏暑。亦因伏天受暑而發於秋。最難速愈。倘秋時炎蒸於夏。而內並無伏氣。其見證與陽暑相似。名曰秋暑。二證皆在乎秋。附論於斯。恐誤爲瘧治耳。

暑瘧

暑瘧者。多因長夏納涼。雖受暑而汗不出。邪伏於內。直待秋來。加冒涼氣而發。其證惡寒壯熱。口渴引飲。脈來弦象。或洪或軟。或著衣則煩。去衣則凜。肌膚無汗。必待汗出淋漓而熱始退。治宜清營捍瘧法。渴甚者。麥冬花粉佐之。凡瘧連日而發者。病淺。間日而發者。病深。間二日而發者。愈深矣。漸早爲輕。因正氣勝而外出。漸晚爲重。因邪氣勝而內入。初起多實。祛邪爲先。患久多虛。養正爲主。

風瘧

風瘧者。亦由長夏先受暑。至秋感風而發也。雖與暑瘧得病之因無異。發病之時亦同。但其見證。寒少熱多。不似暑瘧惡寒壯熱。或著衣則煩。去衣則凜。風瘧頭疼自汗出。不似暑瘧肌膚無汗。必待汗出淋漓而熱始退。風瘧之脈。弦而兼浮。不似暑瘧脈象純弦。或洪或軟。初宜辛散太陽法去羌活。加秦朮。俟寒熱分清。始可進和解之法。總當細審其因。可散則散。可和則和。可補則補。可截則截。全在臨時活法耳。

寒瘧

寒瘧者。先受陰寒。或沐浴之水寒。寒氣伏於肌腠之中。復因外感邪風。觸之而發。其證先寒後熱。寒長熱短。連日而發。或間日發。發時頭痛微汗。或無汗乾熱。脈象弦緊有力。當遵古訓。體若燔炭。汗出而散之旨。宜用辛散太陽法。寒熱按時而至。方可和解。今人不別何經。概用小柴胡湯。則誤矣。

溼瘧

溼瘧之證。因於久受陰溼。溼氣伏於太陰。偶有所觸而發。發則惡寒而不甚熱。脈象緩鈍而不弦。一身盡痛而有汗。手足沉重。嘔逆脈滿。宜宣透膜原法。使其邪化瘧除。但辛燥之劑。於陰虧熱體。須酌用之。陽虛寒體。可加老蔻乾姜。斷截之法。不宜早用。用之。非變瘧鼓。卽成瘧母。

溫瘧

溫瘧者。由冬令感受風寒。伏藏於骨髓之中。至春不發。交夏陽氣大泄。腠理不緻。或有所用力。伏邪與汗並出。此邪藏於腎。自內達外。陰虛而陽盛。陽盛則熱矣。衰則其氣復入。入則陽虛。陽虛生外寒矣。有先傷於風。後傷於寒。故先熱而後寒。以時作。名曰溫瘧。溫瘧之證。先熱後寒。其脈陽浮陰弱。或汗多。或汗少。口渴喜涼。治宜清涼透邪法。汗多去淡豉。加麥冬花粉。苔化焦黑。宜清熱保津法。凡有變證。仿春溫風溫溫病溫毒法可也。

瘧瘧

瘧瘧之證。嶺南爲多。因天氣炎熱。山氣溼蒸。多有嵐瘧之毒。人感之者。卽時昏悶。一身沉重。或寒甚熱微。或寒微熱甚。亦有疊日間日而作者。亦有狂言妄語者。亦有口瘡不言者。揆其諸證。初起之時。邪必鬱於氣分。甚則血瘀於心。涎聚於脾。先宜宣竅導痰法。探吐其痰。然後辨其輕重表裏爲要。其輕者在表。宜芳香化濁法。加草果檳榔。其重者在裏。宜和解兼攻法。加玉樞丹。

瘧瘧

瘧瘧者。肺素有熱。氣盛於身。厥逆上衝。中氣實而不外泄。因有所用力。腠理開。風寒舍於皮膚之內。分肉之間。而發。發則陽氣盛。陽氣盛而不衰。則病矣。其氣不及於陰。故但熱而不寒。氣內藏於心。而外舍於分肉之間。令人消燂肌肉。其病陰氣孤絕。陽氣獨發。則熱而少氣煩冤。手足熱而欲嘔。名曰瘧瘧。治法先宜白虎。蓋白虎專於退熱。其分肉四肢內屬於胃。非切於所舍者乎。又瀉肺火。非救其煩冤者乎。然陽氣盛則陰益傷。擬用甘寒生津法。

牝瘧

瘧多寒者曰牝瘧。由邪氣伏藏於腎。陽氣不行於外。眞陽素虛之體爲多。緣當盛夏之時。乘涼飲冷。感受陰寒。或受陰溼。其陽不能制陰邪之勝。故瘧發時。寒盛熱微。慘戚振慄。病以時作。其脈沉遲。面色淡白。宜治宣陽透伏法。寒重者薑附爲君。溼重者蒼果爲主。日久不愈。溫補之法爲宜。

痰瘧

痰瘧者。夏月多食瓜果油膩。鬱結成痰。或素係痰體。其痰據於太陰脾臟。伏而不發。一旦外感涼風。痰隨風起。變爲瘧病。初發之時。頭痛而眩。痰氣嘔逆。寒熱交作。脈來弦滑。古云無痰不作瘧。豈不然乎。宜化痰順氣法。加草果藿香。如昏迷卒倒。宜宣竅導痰法。加厚朴。草果。蘇合香丸。肥盛之人。痰藥更宜多用。

食瘧

食瘧卽胃瘧也。因於飲食失節。饑飽不常。穀氣乖亂。營衛失和。一有不謹。則外

邪冒之。遂成瘧疾。其證寒已復熱。熱已復寒。寒熱交併。噫氣惡食。食則吐逆。胸滿腹脹。脈滑有力。或氣口緊盛。宜查麴平胃法。加藿香。草果。如脈遲滯兼寒也。加乾薑。白朮。如脈緩鈍兼溼也。加半夏。茯苓。

疫瘧

疫瘧之爲病。因天時寒熱不正。邪氣乘虛而襲膜原。欲出表而不能透達。欲陷裏而未得空隙。故作寒熱往來。或一日二三次。或一次無定期也。寒輕熱重。口渴有汗。右脈多勝於左。大概沿門合境。長幼相似。皆可以疫名之。不必拘於一定之見證。當隨時令而治。治以宣透膜原法爲主。

鬼瘧

鬼瘧者。因卒感尸瘴客忤。寒熱日作。惡夢多端。時生恐怖。言動異常。脈來乍大乍小。患是證者。都係體弱屬陰之人。而強壯屬陽之體。無一患者。用驅邪辟祟法。未效則咒法亦可用之。

虛癰

元氣本虛。感邪患癰者。名虛癰。其證寒熱交作。自汗倦臥。飲食並減。四肢乏力。脈象舉按俱弦。尋之則弱。宜補氣升陽法。又有久患癰疾。脾胃累虛。亦名虛癰。蓋胃虛則惡寒。脾虛則發熱。寒則灑灑。熱則烘烘。脈象浮之則濡。按之則弱。此宜營衛雙調法。倘有肢涼便瀉者。均加附子乾薑。或吐涎不食者。並加砂仁半夏。

勞癰

勞癰者。癰疾久延爲癆也。或因久病勞損。氣血兩虛而病癰。或因勞役過度。營衛空虛而患癰。脈象或軟或弱。或小滑。或細數。發熱惡寒。寒中有熱。熱中有寒。或發於晝。或發於夜。每遇小勞卽發。氣虛者多汗。飲食少進。血虛者。午後發熱。至晚微汗乃解。此似癰非癰也。若誤爲癰治。而投剝削之劑。未有不戕瘵疾者也。治用營衛雙調法。氣虛者倍參耆。血虛者倍歸芍。倘寒熱分清。按時而至。脈

兼弦象。顯出少陽兼證。始可佐柴胡青蒿。

瘡母

瘡經年不愈。謂之老瘡。或食積。或痰涎。或瘀血。皆能結成痞塊。藏於腹脇。作脹而痛。令人多汗。謂之瘡母。亦有因調治失宜。營衛俱虛。或截瘡太早。邪伏肝經脇下。而成痞塊。其痞居左脇者爲多。蓋左脇屬肝。當補虛之中。兼以疏肝爲治。調中暢氣法。去耆朮甘荷。加青皮鼈甲牡蠣半夏治之。如形氣未衰。塊痛甚者。蓬朮肉桂。並可加入。倘偏用攻破剝削。以治其塊。而不顧其正者。延爲中滿。遂不可醫。

廉按左脇屬脾。西醫名此病曰脾脹。舊作屬肝者誤。以活血通絡。運脾消脹爲正治。

三日瘡

三日瘡。又名三陰瘡。間兩日而發者也。蓋由邪氣深客於內臟。與衛氣相失。治

宜雙甲搜邪法。陰虛者加首烏當歸。陽虛者加鹿角霜潞黨參。至間數日而作者。邪陷愈深。必因正氣空虛。當用補氣升陽法。助其既虛之正。提其已陷之邪。使正氣復旺。邪氣自出矣。

或問諸瘧悉詳。何獨遺胎瘧一證。曰胎瘧今之俗名也。有謂襁褓小兒患瘧爲胎瘧。有謂從未患瘧爲胎瘧。無論其襁褓壯年。而未曾患瘧者。悉稱爲胎瘧。仍分暑風寒溼而治。較諸瘧更纏綿。最難速愈。必俟其勢衰微。方可斷截。

伏暑

伏天所受之暑。邪盛者患於當時。邪微者發於秋後。晚發卽伏暑也。由涼風颯颯。侵襲肌膚。新邪欲入。伏氣欲出。以致寒熱如瘧。或微寒。或微熱。不能如瘧分清。其脈必滯。其舌必膩。脘痞氣塞。渴悶煩冤。午後則甚。入暮更劇。天明得汗。諸恙稍緩。日日如是。少則二三候。多則五六候外。方得全解。先用清宣溫化法。使其氣分開。則新邪先解。伏氣隨透。然變易爲多。初起如瘧。先服清宣溫化法。若

畏寒已解。獨發熱淹綿。可加蘆竹連翹。本法內半夏陳皮可刪去。恐溫燥之品傷津液也。其舌苔本膩。漸黃漸燥。漸黑漸焦者。伏暑之熱已傷其陰。本法內加洋參麥冬元參細地。以保陰液。若神識昏蒙。伏邪逼近心包。益元散紫雪丹量其證之輕重而用。如壯熱舌焦。神昏譫語。脈實不虛。邪熱歸併陽明。宜潤下救津法。年壯體強者。以生軍易熟軍。更爲有力。種種變證。務在臨證時細審病之新久。體之虛實。按法酌用。庶無差忒。

秋暑

附秋涼

七月大火西流。暑氣漸減。涼氣漸生。其時炎譌尙存。一如初夏。亦有較盛夏更熱之年。人感其熱而病者。爲秋暑。卽世俗所稱秋老虎也。斯時溼土主氣。猶是暑溼交蒸。但見壯熱煩渴。蒸蒸自汗。脈象洪濡或數。是秋暑之證。其治法與陽暑同。亦宜清涼滌暑法。倘交秋令以來。涼氣襲人。人感其氣。卽患頭痛惡寒。發熱無汗。脈象浮弦或緊。是秋涼之證。其治法與暑爲寒遏無異。亦宜辛溫解表。

法。若交秋分之後。燥金主氣。遇有秋涼之見證者。是爲燥之勝氣。宜用苦溫平燥法。遇有秋暑之見證者。是爲燥之復氣。宜用甘寒生津法。

廉按伏暑證治。雷氏尙多未備。前哲惟石氏芾南頗有發明。爰述其說曰。伏暑及伏暑晚發。較春夏溫病來勢稍緩。而病實重。初起微寒發熱。午後較重。狀似瘧疾。而不分明。繼而但熱不寒。熱甚於夜。天明得汗。身熱稍退。而胸腹之熱不除。日日如是。往往五七候始解。推此病之由。總緣陰虛之質。夏月汗多。傷液內舍。空虛陽浮於外。暑濕合邪。深踞膜原。初起邪在氣分。必須分別。濕多熱多。濕多者。舌苔白膩。或變黃黑。而舌邊仍白。脈息模糊。口乾不喜飲。宜用辛淡法。〔光杏仁。白蔻仁。竹瀝。半夏。川樸。藿梗。生苡仁。通草。浙茯苓。猪苓。澤瀉〕忌用涼藥。熱多者。舌苔黃滑。或黃膩。脈息細數而渴。口乾頻飲而不能多。宜涼淡法。前法加〔活水蘆根。淡竹葉。滑石〕邪在膈膜上下。乃由表傳裏之漸。舌苔黃膩而厚。胸痞脘悶。乾嘔心煩口

渴。乃濕熱與氣相搏。雖近。乎裏。却仍在氣分。宜用辛苦通降法。（焦山梔連翹薑水炒。木通薑水炒。黃連薑水炒。黃芩薑半夏漸欲化燥。加知母。）邪傳心包。用至寶紫雪等開法。若傳及肝腎。見有陰虛諸證。卽宜加養液。如南北沙參。元參。細生地。麥冬。鮮石斛。玉竹。龜板。阿膠之類。邪未傳裏時。寒已退而熱不解者。亦用此法。若邪已傳裏而入血分。暑濕無形之熱。往往伏在小腸。與有形糟粕相搏。舌苔黃膩而厚。脘腹按痛。大便不解。或雖解無多。或雖多而仍覺不爽。宜於辛苦劑中。加熟大黃。枳實。緩通之。或酒煮大黃。爲丸。緩化之。往往服一二錢。大解一次。再服再解。不服不解。如此服五六次。行五六次。而邪始盡。非病者多食之過也。亦非宿滯之多也。乃膜原伏有暑濕。脾胃因散輸不力。小腸亦變化機遲。所進穀食。皆化糟粕。不化津液。所以屢解不盡。暑濕本屬濁邪。以濁附濁。膠滯纏綿。焉能脫然而解。若初起誤用辛散。傳裏又誤用峻下。必致亡陰。變成神昏。瘞厥。脫厥。

不救。其有裏邪已盡。熱仍不退者。審其舌。無多苔。或苔薄而無質。地則一以育陰養液托邪爲主。如北沙參、大生地、玉竹、元參、麥冬、龜板之類。虛甚而神氣消索。無熱象者。甘涼猶不中竅。宜用甘平甘潤之劑。如六味地黃湯復脈湯之類。頻進而墊托之。切勿見其不效。中途易法。致令不救。往往上焦之邪。因中無砥柱。內舍空虛。乘虛內陷。得育陰墊托從中下焦血分復還。氣分發白痞而解。若枯白無水。則又爲陰涸之象。症多不治。亦有育陰墊托由裏還表。邪從汗解。將欲汗時。脈必浮緩。苔必宣鬆。汗解後。舌苔有卽退者。有遲一二日始退者。必得苔淨。脈靜。身涼。舌之兩旁生薄白新苔。方爲邪盡。一切外邪伏邪。均係如此。

擬用諸法

清營捍瘧法

治暑瘧惡寒壯熱口渴引飲。

連翹一錢五分

竹葉五分

扁豆衣二錢

青蒿五分

木賊草一錢

黃芩一錢

青皮五分

加西瓜翠衣二片爲引。

〔歌曰〕暑氣內舍須清營。藥用連翹竹葉名。扁衣青蒿木賊草。黃芩青皮瓜皮烹。

此治暑瘧之法也。夫暑氣內舍於營。故君以翹竹清心。卻其上焦之熱。臣以扁衣解暑。青蒿祛瘧。佐以木賊發汗於外。黃芩清熱於內。古云瘧不離乎少陽。故使以青皮引諸藥達少陽之經。瓜翠引伏暑透肌膚之表。

辛散太陽法

治風瘧寒少熱多。頭痛自汗。兼治傷寒傷溼。

嫩桂枝一錢

羌活五分

防風五分

甘草五分

前胡五分

淡豆豉三錢

加生薑二片。紅棗三枚煎服。

〔歌曰〕辛散太陽感新邪。桂枝羌活防草嘉。前胡淡豉薑棗加。

凡外邪襲人。必先傷於太陽之表。瘧雖因於伏暑。又必因外感秋風而觸發。蓋風瘧有風在表。故宜辛散之方。其中桂羌防草。卽成方桂枝羌活湯。本治風瘧之劑。內加前胡散太陽。復泄厥陰。淡豉解肌表。且祛瘧疾。更加攘外之薑。安內之棗。表裏俱安。何瘧之有哉。

宣透膜原法

治溼瘧寒甚熱微。身痛有汗。肢重脘滿。

厚朴

一錢
姜製

檳榔

一錢
五分

草果仁

八分
煨

黃芩

一錢
酒炒

粉甘草

五分

藿香葉

一錢

半夏

一錢
五分
姜製

加生薑三片爲引。

〔歌曰〕膜原濕穢宣透好。厚樸檳榔粉甘草。果仁黃芩加藿香。生薑半夏盃中